

БАЛАЛАР МЕДЖМУАСЫ

№3 (81) 2021

АРМАНЧЫКЪ

0+



онлайн подписка
<https://armanciq.ru/shop/>



ISSN 2413-3159

ЦЕНА ОДНОГО НОМЕРА ЖУРНАЛА


142,31 руб

(С ДОСТАВКОЙ)

КЪАРКЪЫЗ

Бир заманда бар экен,
Бир заманда ёкъ экен.
Бир алчакъ эв ичинде
Эки къарт яшай экен.

Йыллар кечти, вакъыт кетти,
Алла бала бермеди.
Энди олар, акъай-апай,
Къыйын куньлер кечирди.



Бир саба, кыш айында,
Азбаргъа къар ягъганда,
Пенджерере къарт бакъып,
Апайына дей туруп:

– Эй, апай, не отурдынъ?
Башынъны не эндирдинъ?
Собада атеш янмай,
Чырайынъа бакъылмай.

– Вай, акъай, не япайым?
Дердим кимге айтайым?
Юрегим гедже-куньдюз,
Баламыз ёкъ деп, агълай.

– Отурмакътан не файда?
Ишлер озю япылмаз.
Не къадар сен агъласань да,
Бала озю тапылмаз.



Азбаргъа тез чыкъайыкъ,
Къардан къызчыкъ япайыкъ.
Ким бильсин, бельки де о,
Олур бизим баламыз?

– Вай, акъай, башынь къайда?
Къардан бала ким япа? –
Огюне оглюк такъып,
Айтты битайчыкъ Фатма.

– Сен, апай, мырылдама,
Истесень, чыкъ азбаргъа.
Истемесень, мен чыкъарым,
Къардан кызычыкъ мен япарым.

Апайы: «Тюф-тюф-тюф!» – айтты,
Собагъа агъач атты.
Акъайынынь артындан,
О да азбаргъа чыкъты.

Йымшакъ, дюльбер къар ягъа,
Ерни бем-бездз япа.
Бутюн кунъ яваш-яваш
Эки къарт кызычыкъ япа.

– Къаранлыкъ тюше, апай,
Энди эвге кирейик.
Саба эрте тургъанда,
Ишимизни бакъармыз.

Гедже тюше мааллеге,
Тылсымлы вакъыт башлай.
Ай алтындай парылдай,
Кокте йылдыз йылтырай.

Кызычыкъ козюни ача,
Огге бир адым ата,
Къолуны кыбырдата,
Шу дакъкъада джанлана.

– Насыл дюльбер безз къар,
Эр ерни сарып алгъан!
Сабагъаджа турайым,
Не оладжакъ, бакъайым.

Анам, бабам оладжакъ,
Оюн-кулькю артаджакъ.
Бизим алчачыкъ эвимиз
Къуванчларгъа толаджакъ...



Саба тюше мааллеге,
Къарт козьлерини ачып,
Пенджереге тез бакъып,
Дюльбер кызчыкыны коре.

– Вай, Фатмачыкъ, турсанъчы,
Пенджереге бакъсанъчы!
Джанлангъан да кызымыз,
Бахткъа толар эвимиз!

Олар эпси корюшкенлер,
Севингенлер, опюшкенлер,
Къувангъан, ойнагъанлар...
Шень яшап башлагъанлар.

Масалымны динълединъыз,
Манасыны анъладыныъыз.
Танъыныъыз кулип атсын!
Шадлыгъыныъыз эп артсын!



Метиннинъ муэллифи Акъмесджит районы Мамут Султан коюндеки
«Василёк» балалар багъчасынынъ музыка ребери

Эльвира ДЕВЛИКАНОВА.

Ресимлернинъ муэллифи **Асие МУСТАФАЕВА**